

广东通志

廣東通志

廣東通志卷三百二十二

甲子重刊

列傳五十五

列女十七

瓊州府二

文昌縣

元

陳道安妻林氏至正甲午陳子玘構亂道安陷賊中密與吳真慶等圖賊真慶恐謀洩乃潛告賊賊殺道安林往瘞其夫遂噉土哽咽而絕鄉人高其義爲瘞于夫之側

黃志

韓氏二女父良可長年十八次年十六皆有姿色至正癸巳間鄉民騷掠韓攜二女避於瓊州越數

年會聞帥出其伯瑤翁率諸弟姪募鄉兵爲嚮導
因挈家以復辛丑五月賊圍擊韓寨兄獻與伯兄
等六人皆鏖戰亡母亦遇害二女奔江側長顧妹
訣曰家旣破賊至且逼汝能遁聽所往余甘死不
受辱妹泣曰母兄旣亡惟姊是依姊誓不生余將
焉往竟攜手投江死蔡微爲之傳贊同

明

林高妻符氏年二十二夫歿誓不更適壽七十三
成化間縣尹鄭宏表其門同邑葉景熙妻鄧氏韓
裔芳妻王氏林梗妻黃氏何朝紳妻唐氏俱早年
喪夫始終一節府志

田瑤妻何氏顯女宏治戊午歸瑤甫四月瑤暴卒

何痛哭自經家人爲同穴葬之

黃志

清瀾所百戶高亮妻路氏左所千戶舍人琮女寡

時年十九孝奉瞽姑得其歡心其女弟爲瓊山左

所百戶舍人王珏妻年二十一而寡誓不再醮終

身無玷正德間竝以孝節申聞

金志

林五娘主事密孫女也

郝志

正德初年十四寓瓊山

舅氏家值舅氏舉家出避禍獨女在室鄰有素讐

其舅氏者且慕女色因導勾攝者破扉入執女挾

上馬欲強犯之女遂自齧臂流血遍身暈墜於地

其人懼急送之歸夜遽縊死

黃志

隆慶二年立碑樹

坊旌之

金志

李七娘子貴女少失怙恃撫于兄嫂年十六許聘
瓊山黃務未歸嘉靖二十八年十月晦賊劫其家
七娘被執義不受辱齧舌噴血賊驚其烈釋之去

七娘憤哭自經死

黃志

黎天注妻邢氏天注兄天池負官租府胥潘六符
宗達行拘值天池兄弟皆他往六等窺邢姿美拘
之去晚投宿東坑村邢以衣易油明燈達曙六等
不敢近翼日至宗達家六乘夜欲犯之邢大罵不
絕六懼而去邢遂自縊事聞旌表

大清一統志

吳世傑妻林氏歸始三月夫死父母以家貧欲奪

其志林自縊

同上

韓機訓妻朱氏年二十寡遺腹生男元儉朱撫之
長娶婦葉氏生一孫未幾元儉與孫相繼歿姑婦
相依爲命共守艱貞朱年逾七十終葉貸棺殮焉
晝夜號慟鄉人哀之聞於官給銀助葬

黃志

韓節儉妻王氏通孝經列女傳言行端懿年十七
適韓二載而寡無子茹苦事姑居處一室無大故
不踰閭外姑歿殮葬如禮年五十七以憂死

金志

王高賓妻華氏萬厯二年爲海寇林鳳所執並其
女年甫十六堅不從母女俱被殺

統志

大清

生員邢文叙妻林氏年十七適邢逾年夫卒誓不

再醮無子撫猶子應麟自甘貧苦孝事翁姑直指

李林涂並獎之壽八十三

金志

諸生鍾正氣妻吳氏府判應龍女夫亡守志後以

家難訟連縣丞梁昂逮之吳不受辱投河死三日

面色如生事白梁竟去官

同上

雲昂妻韓氏年十六寡遺腹一女或憐其少日貧

勸改適峻拒之事翁姑孝視瞽嫂和撫孤姪慈

郝志

且拮据營葬三喪

府志

壽九十三卒

郝志

韓文濬妻吳氏十六齡于歸尋以海寇許萬載掠境與翁俱被執吳觸石而死賊忿刃其屍未及殮

七日如生

廩生韓文源妻潘氏年十六歸韓海寇何喬剽掠
文源死於賊潘市牛酒犒官軍追擒四十餘寇以
報夫讐茹苦鞠孤紡績奉母里閭稱其節義

韓元敏妻李氏年十九孀居堅節事繼姑人無間
言直指李林涂旌之

俱同上

生員黃中紅妻趙氏年二十二而寡遺腹生男茹
荼撫育邑令表其門同邑生員李文敏妻林氏年
十九生員趙元妻符氏年二十五雲朝縉妻陳氏
年三十俱夫故矢貞撫孤成立邑令並旌之

府志

陳天聰妻林氏年十九生子甫三月天聰卒矢志
靡悔苦節奉姑巡按沈田給以米帛特題旌表同

邑韓亮敏妻葉氏年二十四勵節撫孤有成直指
王旌其清操

生員王賓妻朱氏千戶廷珍妹寡時年二十四奉
姑鞠子克盡孝慈後孫懋德登第蓋節孝之報云
生員林希翰妻陳氏年二十生子椿彌月而孤陳
善事繼姑夫有姊妹備奩嫁之年五十卒椿以歲
貢官廣州司訓又庠生林兆翰妻馮氏年十九兆
翰亡子昌爍甫週歲馮撫育訓誨長有聲於庠

俱同

國朝

邢光揚妻林氏年二十而寡遺孤汝錫甫二歲撫

之成立順治癸巳潘賊行劫執汝錫殺之林罵賊

亦遇害

郝志

許定斌妻雲氏康熙十二年海賊滋擾掠雲欲污

之不可投海而死

同上

韓兆時女年十七未字康熙四十七年海寇掠其

家母潘氏以不辱被掠女乃給賊曰若脫吾父願

以身從賊信之縱父歸將污之女曰旣以身質急

何爲者賊又信之女望父踪遠去猝赴水而逝

採訪

冊

林家埧妻張氏年十七于歸越一年而寡克盡婦

道尤謹姆訓守志四十三年康熙四十七年旌

郝志

鳳凰志卷三十三
雲志颺妻陳氏歸雲逾歲而嫠年甫十七潔志孀
居歷三十六年以完節終康熙五十八年旌

生員陳天相妻邱氏年二十而寡誓不改適事親
撫孤以慈孝聞鄉黨稱之雍正元年旌

符揆先之婢賴氏符旺其夫也旺卒賴一慟而絕
又有符氏者亦符家婢其夫朱老病卒符服毒以
殉

孔毓珠妻董氏曲阜人毓珠攜家隨父興祥令文
昌而先卒興祥念子成疾不起董刲臂肉以進後

翁竟卒扶二親回籍備嘗艱苦

俱同上

謹案董氏非粵人又非死節於粵者似不必

傳之粵志但郝志已列且封臂療翁固孝行也仍之

潘士利妻李氏年十八而孀子守德生纔五月有韓姓者厚賄親族委禽焉李碎其聘物投繯者三會守勸者衆乃迎其父至杜絕奸謀夫旣葬攜孤率婢廬夫墓旁其後子婦雲氏亦寡相依數十年人稱一門雙節邑令旌之

縣志

陳志賢女年及笄未字遇暴強姦不從羞忿服毒而歿乾隆四年旌

櫛冊

王宏基妻陳氏

年二十
四守節

雲某妻陳氏鄭浩儒妻陳

氏符公李妻邢氏

年十九
守節

李曰珍妻紀氏子庠生

士備妻某氏姑婦雙節雲士武妻符氏年二十李開方

妻林氏生員符天樞妻林氏年十八守節邑令孔旌其門庠生

雲士遠妻范氏年二十守節符行振妻鄭氏守節五十七年子

永慎妻林氏年二十守節永修妻詹氏年二十守節孫婦黃

氏年十八守節一門四節生員蔡宏俊妻符氏生員林淮仁

妻王氏二人乾隆年間旌潘箕命妻葉氏鄧昌林妻韓氏

二人乾隆十三年旌韓淑騰聘妻葉氏乾隆十四年旌張洪祐妻許

氏何文偉妻馮氏二人乾隆十六年給匾生員范京科妻林

氏乾隆十八年命匾張柄瑛妻邢氏乾隆七年旌邢先時妻

吳氏年二十守節韓氏夫姓侯名六符振鏘聘妻陳氏嘉慶十二年

年旌雲于炎妻邢氏嘉慶十六年旌黃仕珍聘妻吳氏嘉慶

二十一年請旌 武生韓明中妻雲氏 嘉慶二十一年請旌 庠生林所

堅妻馮氏 道光元年旌

會同縣

明

彭裕妻馮氏宏治丙辰裕卒馮年二十殯殮畢卽

自縊死 黃志

王標妻楊氏標卒楊年二十四父母強之嫁剪髮

毀容以誓嘗撫其子曰吾豈惜一死所苟延旦夕

者以汝未成立耳性嚴毅課耕讀勤女紅足不踰

閭 郝志

曾紹榮妻王氏會同敎諭嘉賓女也年十七贅紹

榮未葍王母不禮於紹榮紹榮忿而歸別娶楊氏
父母迫之嫁王矢死靡他尋聞紹榮歿歸曾爲執
喪楊亦繼亡撫其孤如己子州守茅一桂旌其門

同上

王順言妻莫氏年十八順言故莫年二十指遺腹
仰天泣曰未亡人何生爲念夫無嗣存此爲夫後
耳後生子撫養成立旋夭復鞠穉孫兆熊力學成
名壽踰八十

府志

王式先妻黎氏年二十二守節始終不渝邑令旌
之以匾壽九十五卒次子珂婦某氏亦年十七而
寡冰霜自矢教子成名

生員王起龍妻黎氏年十八夫亡守節終身同邑庠士王宏妻亦年十七守節縣尹並獎之

庠士黎嗣顯妻王氏嗣顯卒王年二十柏舟自矢事姑至孝撫姪廷諫爲嗣教之成名同邑王祐先妻黎氏亦年二十而寡無子矢志守節撫姪爲後直指蔡旌獎之

舉人黃烈妻胡氏方伯濂孫女年二十五烈卒於金陵胡毀容截髮茹苦鞠子長受祖歲貢次榮祖副貢皆賴母教成立出資築西宛石橋以濟行人御史蔡旌曰柏舟遺響

廩生王鉉銓妻黎氏年二十五孀處四十年撫育